

12:588 del 30/11 al 06/12/2006

La Setmana

L'AOF, la tèsta nauta

La primèra edicion de la *Viva World Cup* foguèt pas una sinecura pels sang e aur. Largament subreclassats al moment del lor primèr match fàcia a l'adversari lapon (0-7), trabuquèron amb las onors contra la còla de Monègue (2-3).

La seleccion de Lapònia, fasiá un pauc figura d'espaurugai amb una federacion solidament organizada e subretot de jogaires professionals en son dintre qu'evoluisson dins los camps nats escandinaus. En contra, lo match perdut contra Monègue venguèt entre autras causas d'una manca de frescor

fisica dels occitans. L'acarada amb la delegacion de la principautat se faguèt lo quite lendeman de la rosta contra la seleccion lapona. Lo motiu ? Un refus del NF Board (la federacion internacionala al dintre de la quala evoluis Occitània) de permutar de resccontres permetèt als jogaires monegasc d'aver un temps de repaus mai important que non pas los occitans.

Maldespièt una nhaca e una detèrmacion que faguèron pas defaut, la còla occitana s'inclinèt. Rendetz-vos dins dos ans per l'edicion seguenta de la *Viva World Cup*.

